

حقوقی بیکیں۔ مجلہ مجموعہ سی

ہر آہک اون ہشندہ نشر اولنور

قانون استیناف محکمه سی پروم محکمه لری اصول محاکمه سنک ، استیناف سبیلری
آزالمق ایچون بونلرک تحدیدی اولدینی تعین ایتدیکنی نظر دقته آله رق مذکور استیناف
سینک ، قیاساً قابل تطبیق اولمادیغنه و دیگر طرفدن قاعده عمومی به نظر آده بوز هولک ،
اساسی مراسمه رعایت سنزلک عد اولونامیه جفنه بناءً بطلان ادعاسنک ردینه قرار ویر مشدر .
حقوق فاکولته سی مدرسلرندن

مصطفی رشید

استانبول محکمہ اصلیہ برنجی تجارت دائرہ مندرجہ :

قرار نومروسی : ۱۳۶۰

دوسیه نومروسی : $\frac{۹۲۷}{۱۶۲۹}$

موضوع : بر مطلوب دور و تملیکی اومطلوبک ملک اله یکمسی مستلزم اولوب اوتحصیلی تأمین مقصدینه
معطوف اولدینی تصریح ایدیلن بر معامله تملیکی ضمناً توکلی مناسنده اوله جفتدن اوکا استناداً باروده مقید
آوو قات اولمایان مدعی نک حق دعواسی اوله ماز .
مدعی : ی . اقدی ، مدعی علیه : استیتو ناسیونال ده لالا آسکیوراسیونی نام ایتالیا سیغورطه شرکتی .
مدعی نک دعواسی : حاجی زاده محمد مسعود بک ایکی بیک انگلیز لیراسی بدل مقابلنده
مدعی علیه سیغورطه شر کتہ حیاتی سیغورطه ایتدیر مشدر . سیغورطه کانون ثانی ۹۲۷
تاریخنده وفات ایتسی حسبیله سیغورطه بدلی بر موجب مقاله زوجہ سی حافظ کلر خانم
ایله صغیر چو جقربنه انتقال ایتکده در .

مومی الیا حافظ کلر خانم حصہ سی حقندہ اصالةً و کوچوک چو جوقلری حقندہ
ولایة قومانیہ دن مطلوبی اولان ایکی بیک انگلیز لیراسی مدعی ی . اقدی به
تملیک ایتمشدر . ایشته دعوی حاضرہ ایله مدعی کندیسنه تملیک ایدیش اولان اشبو
مبلغت مع فائض و مصارف محاکمہ واجرت و کالت اجرای موقتہ قومانیہ دن تحصیلنی
طلب ایتکده در . قومانیہ نامہ اثبات وجود ایدن مدعی علیه وکیلی صدیق سامی بک
اولا : سیغورطه پولیچه سنک اون برنجی ماده سی اشبو پولیچه نک آخرہ دورینی منع
ایتدیکی جهته ایکی بیک انگلیز لیراسنک قابل تملیک اولمادیغنی ، ثانیاً : کیفیت تملیک صغار
نامہ ولایة پایلیدی و حالبوکه تملیک نامہ ده بر بدل مقابلدن بحث ایدلیدیکی جهته معتبر
بولمادیغنی و بناءً علیه تملیک نامہ خصوصنه توکیلدن باشقه بر معنا افاده ایتدیکنی بیان
ایله مشدر . مدعی ایسه سیغورطه مقاله نامہ سنک دور ایدیش اولماوب بلدی سیغورطه نک

ختامی حسیله آرتق قومانیه ذمتده ثابت و متحقق بر مطلوب ثابت اولدیفنی و بومطلوبك
تملیکی پولیچهنك تملیکی معناسی تضمن اتمیه جکئی و درجه ثانیه ده بدلتک آلدیفنه دائر
بر قید درج ایدله مسی تملیکک ابطالی استلزام اتمیه جکئی و ولی بلا بدل تملیک ایتدیکی
تقدیرده اونك حسابی آنحق کندیسنی و بره بیله جکئی ادا ایتشدرد. محکمه ۱۵ ایلول
۹۲۷ تاریخنده اول امرده سیغورطه مقاوله نامه سنك دور مطلوبه دائر اولان اون برنجی
ماده سنك ترجمه ایتدیلمسنه قرار ویردی. جلسه اخیرۀ محاکمه ده ماده مذکورۀك
مترجم صورت مصدقه سی ابراز ایدلدی. مدعی علیه و کیلی ترجمه ده برتغیر ایضاع اولدیفنی
و کاتب عدل دن مصدق ایکنجی بر ترجمه نزدیکه بولدیفنی جهتله بونی ابراز ایدله جکئی
بیان ایتمش و مصدق بر ترجمه دخی ابراز ایلهمشدر. طرفینك باشقه بر دیه جکاری اولمادیفی
اکلاشلغله محاکمه نك ختامی تفهیم اولدیدی. محکمه، حلی مقتضی نقاط قانونیه یی بروجه آتی
تثبیت ایتشدرد. اولاً مدعینك استناد ایتدیکی ۲۰ مایس ۹۲۷ تاریخی ورقه نك حقیقی بر
تملیک نامه ماهیتده عد ایدیلوب ایدیه میه جکی ثانیاً سیغورطه پولیچه سنك مارالذ کر
اون برنجی ماده سنك حادثیه مؤثر اولوب اولمایه جفی خصوصلیردرد. اولاً: استناد
ایتدیکی وثیقه عیناً شوندن عبارتدر: [زوج و اولاد صفاریك پدری حاجی زاده
محمد مسعود بکک حیاتی سیغورطه ایدن استیتو ناسیوناله ده لاسکیوراسیونی نام
سیغورطه شرکتك سیغورطه پولیچه سندن متولد حقوق، مستحق و عینی زمانده وارث
اولمق اعتبارله اصالة و ولایة مطلوبمز اولان ایکی بیک عدد انکلیز لیراسی ی افندی به
دور و تملیک ایلهمش اولدیفمدن مومی الیه طرفسندن حقوق مملوکه و مدوره نك طلب
و تحصیلی تأمیناً اشبو تحکیم نامه امضا و افندی مومی الیه بدینه اعطا قلندی.

کرك بورجلر قانونسك ۱۶۲ الی ۱۸۱ نجی ماده لریله تجارت قانونسك ۷۷۱ الی
۷۸۱ نجی ماده لری مؤداسندن مفهم اولدیفنه کوره کیفیت تملیک مطلوبك دوغروندن
دوغری به مملکله ذمته انتقال اتمسی لازم کلیر. حالوکه مندرجاتی بالایه عیناً یازیلان
وثیقه نك صوک سطرلرنده کیفیت تملیکک طلب و تحصیلی تأمیناً یابیلدیفنی محرردرد. ۳ نیشان
۳۴۰ تاریخی آوواتلر قانونسك اوچنجی ماده سی موجبجه بارو تشککل ایدن یرلرده
باروده داخل اولمایانلرک آوواتلرک ایتکدن و محاکمک بوقیل ذواتی قبولدن بمنوعدر
دنلمکده در. بناء علیه ظاهرأ تملیک ماهیتده کوسترلک صورتله هر هانکی بر تحصیل

مطلوبی تأمین ایچون پایلان تعبیر آخره خصومه وکالتی تضمین ایدن بروشقه مواجهه سنده بولنولور دیمکدر حالوکه قوانین مکتوبه میاننده بولنسون ویا بولنماسون حادثیه قابل تطبیق اولان و حقوق علانده جاری اولان بر قاعده عمومی و ارادر . قانونک احکام آمره-نی بر طرف ایتک ایچون پایلان معاملات باطلدر . حادثیه ایسه تحکیمنامه شکلی تحتنده بوشکلک عکس العمل کبی قبول ایتدیرلمک ایسته نیلن بر نتیجه ضروریه دن عبارت اولسنه کوره مدعینک اقامه دعوایه صلاحیتی اولمادیغندن دولانی دعوا ی مقامه نک ردینه و مصارف محاکمه نک مدعیه عایدته قابل تمیز اولوق اوزره و جاهاً و اتقاقله قرار ویرلدی .

حکم تمیز مفروض هیئت عمومی سنده :

قرار تاریخی : ۷ ایلول ۹۲۷

قرار نومروسی : ۱۴۵

موضوع : مأذوناً و حکومتک مساعد سیله اورویایه کیدن بر شخصک بوراده کی وکیلی طرفندن اوشخصک رسماً مأذون بولندینی ائاده صایتلمش اولان بر مالک بیع معامله سنک لازم و نافذ اولسنه و بیع لازمده مشترک نمئی استرداد امکان قانونی موجود بولماسنه بناء دعوا سنک عدم مسموعیت نقطه سنک ردی حقیقده صادر اولان حکم اوزرینه واقع مداخله نک منته دائر اقامه اولتان دعواده حکم مذکورک اکتساب قطعیت ایدوب ایتدیکنک تحقیق ایجاب ایتر .

اکرم بکله خزینة مالیه میانه لرنده متکون دعوایه دائر استانبول محکمه اصلیه برنجی حقوق دائره سندن اخیراً صادر اولان ۲ مایس ۹۲۷ تاریخ و ۱۵۹ نومرولو اعلامک تمیزاً تدقیقی محلی خزینة مالیه وکیلی طرفندن استدعا واولبایده کی اوراق متفرعه سی تمیز محکمه سی برنجی ریاست دائره سنه ارسال اولمغله عائد اولدینی حقوق هیئت عمومی سنده بالتدقیق حکم اخیر مذکورک اصراری متضمن بولندینی متفقاً تحت قراره آلسدقندن و تمیز استدعایه سنک مدت قانونیه سی ظرفنده اعطا قلندینی آکلاشلدقندن صکره بالقبول تدقیقات تمیزیه اجراسنه ایتدار اولندی .

اعلام مذکورک خلاصه مالی: بشکطاشده امنیت اجزاخانه سنده اکرم بک باعرضحال محکمه مذکوریه مراجعتله اجزاجی بریکلی قلو ناریدیس افندی وکیلی لئون قراشیان افندی دن بدل معلوم مقابلنده و اصول موضوعه سی دائره سنده اشترا و ملی اجزاخانه نامیله

توسیم و کشاد ایلدیکی بک اوغلنده جاده کیرده پریکلی قوناریدیس اجزاخانه سی نامیله معروف اجزاخانه به استانبول اموال متروکه اداره سی فضولا مداخله و وضع ید ایشکده ایسه ده کاتب عدل کجه تنظیم ایدلس وکالته مستنداً مذکور اجزاخانه صاحبی اولوب ماذوناً اوروپاده بولنان پریکلی قوناریدیس افندی نامنه عقد بیع و قوع بولدینی و بایعک بالوکاله ثمنی قبض و مشتری اولان مدعینکده میعی تسلیم ایلدیکی و بعد التسلیم میعه اموال متروکه دائره سنک وضع یدی آکلاشلمسنه و بیع منقده مشتری حقی میعه و بایعکده ثمنه تعلق ایده جکنه و بیع مذکور لازم و نافذ اولدیفندن مشتری بالرجوع ثمنی استرداد امکان قانونی موجود اولماسنه بناء دعوی حاضرک عدم مسموعیت نقطه سندن ردینه دائر صادر اولان ۱۷ حزران تاریخ $\frac{299}{279}$ نومرولو اعلام ایله عقدک نافذ و لازم ایدوکی ثابت اولسنه بناء استانبول دفتر دارلنک جلیله و قوع بولان مداخله نک منی و اجزاخانه نک تسلیحی طلبیه تکرار اقامه اولنان دعواک جریان ایدن محاکمه سنده عند المحاکمه موضوع بحث اولان $\frac{279}{299}$ نومرولو دوسیه جلب اولنرق متخذ قرار ایله صحیه مدیرینک درکنار جواپسنده بک اوغلی دردنجی کاتب عدلکی اوراقدن لئون قراشیان افندینک پریکلی قوناریدیس و کیلی اولدینی آکلاشله رق ایکی بیک سکز بوز لیرا بدل مقابلنده مذکور اجزاخانه نک مشتری اکریم بکه فروخت ایدلس و ثمن میبع اکریم بک طرفندن بایع و کیلی قراشیان افندی به تسلیم و اجزاخانه ده اکریم بکه تسلیم ایدیلرک ملی اجزاخانه عنوانیه مومی الهک اجرای صنعتیه مساعده ایلدیکی و آنحق اجزاخانه به تصفیه قومیسو تنجه وضع ید ایدلس اولدینی بیلدیرلمسنه و سالف الذکر محکمه دن ویریلن قرار ایسه بیع مذکورک بیع نافذ و لازم اولدینی و مشتری بالرجوع ثمنی استرداد امکان قانونی موجود اولمادینی محرر بولدینی مشاهده ایدلمسنه و اجزاخانه صاحبی پریکلی قوناریدیس افندینک ۳۳۸ سنه سی تشرین اولنده استحصا ایلدیکی ماذونیت اوزربنه و کانون اول ۳۳۸ تاریخنده اوچ آی ده اتمدیم ماذونیت ایلدیکی و ماذون بولدینی صیراده معاملیه بیعک و قوع بولدینی تحق ایلسنه و بناء علیه بیع و تسلیم مومی الیه اجزاخانه صاحبی پریکلیک حکومتک مساعده سیله اوروپاده بولدینی بر صیراده و فراری عیدندن مقدم بر زمانه مصادف بولنسنه بناء اموال متروکه مدیرینجه و قوع بولان مداخله آخر محله نقل ایدیلن اشخاص حقنده کی ۳۳۱ و ۳۳۹ تاریخلی احکام قانونیه به مخالف بولنسنه بناء مداخله

واقعه‌نك . منعه دائر ویریلن ۲۸ تشرین ثانی ۹۲۶ تاریخ و ۹۲۶ نومرولو قرارك تمیزاً تدقیقی خزینه و کیلی طرفندن استدعا ایدلمسه مبنی ۱۷ حزران ۹۲۶ تاریخی بیعك لزوم و انفاذینه متعلق بولان حکمك اکتساب قطعی ایدوب ایتمدیکی تحقیق اولنق لازم کلیرکن بوجهت تحقیق اولنقسزین برمنوال محرر قرار اعطاسی مخالف قانون اولدیغندن بالبحث نقضاً محلله اعاده قلمسی اوزرینه اجرا قلنان تدقیقات و محاکمه اخیره نتیجه‌سنده محکمه تمیزك نقض قرارى ۲۸ تشرین ثانی ۹۲۶ تاریخنده محکمه‌جه اعطا ایدیلن حکمك دفتردارلق طرفندن وقوعبولان تمیزی اوزرینه اتخاذ ایدلدیکی یعنی صوك قراره معطوف اولوب ۱۷ حزران ۹۲۶ تاریخ و ۲۷۹ نومرولو حکمه مؤثر بولناماسندن و اساساً ۱۷ حزران ۹۲۶ تاریخی حکم خزینه‌دن بدل فراغك تحصیلی اولوب ایشبو دعوانك ایسه بیعك لزوم و انفاذی حالنده مسموعیتنه امکان قانونی بولمادیغندن ردی قرار کیر اولمسه و حالبوکه حکم منقوض مذاخله‌نك منعه متدائر اولوب مارالد کر رد قرارینك کسب قطعی ایدوب ایتمه‌سیله علاقه قانونیه‌سی بولمیه‌جغه و مذکور دعوی سبق ایتمدیکی تقدیرده دخی منع مذاخله اداسی درمیان ایدیله‌یه‌جکجه ۱۷ حزران ۹۲۶ تاریخی حکمك تمیز اولمادیغنی دعوی ضبطنده ذکر ایدلش بولمسه بناءً اسباب موجب قانونیه‌یه مستند بولنان حکم سابقده اصراره قرار ویرلدیکی ناطقدور.

تمیزالایحه‌سنده : نقض واقع لازم الاتباع اولدیغنی کبی موضوع بحث ۲۰ مایس ۹۲۶ تاریخی حکمك اکتساب قطعی ایتمدیکی فرض و قبول اولمسه بیله بیعك لازم و نافذ اولوب اولمادیغنه دائر محاکمه‌جریان ایتمه‌مش آنحق بیعك انعقادیه میبسی تسلیم ایتمدیکی ادعا ایتمکده بولنان مدعیك حق دعواسنك بعد التسلیم میبسه واقع مذاخله‌نك طلبه منحصر اولمسی لازم کلوب استرداد ثمن دعوایه حتی بولناماق نقطه‌سندن رد دعوایه قرار ویرلش بولنق اعتباریه‌ده اعلام مجنونك اکتساب قطعی ایتمش اولمسنك حادثیه و دعوایه مؤثر اوله‌یه‌جنی درکار اولدیغندن اعلام مذکوره استقداً بروجه محرر قرار اعطاسی مخالف قانون بولمادیغندن حکم اخیر مذکورك دخی قضی استدعا ایدلمشدر .

ایحاج کیفیت لدی المذاکره : بیعك لزوم و انفاذینه متعلق مقدما صادر اولان حکم تمیز ایدلمه‌مش اولمسه کوره حکم تمیزه اخیر اصول و قانونه موافق و لایحه تمیزیه‌ده محرر اعتراضات بو اعتبارله غیر وارد اولدیغندن حکم مذکورك تصدیقه ۱۷ ایلول ۹۲۷ تاریخنده اتفاقله قرار ویرلدی .

حکومت نمبر برنجی حقوق دائرہ سندھ :

اعلام تاریخی : ۲۲ تشرین اول ۱۲۷

اعلام نومروسی : $\frac{2512}{39.0}$

مقدمہ : تحصیلہ قرار ورین اجر مثله فائض یورودلسی قانوناً جائز اولدینی حالہ فائض حکم اولنسی مخالف قانون وموجب نقضدر .

غلطہده عمرعابد خانندہ $\frac{7}{10}$ نومرودہ مقیم ابوالمحسن کمال بک طرفندن ینہ مذکور خانندہ ساکن معدنجی محمد عارف بک ایله ارکلی شرکتی علیہ ۸ تشرین اول ۱۳۳۷ تاریخی مقالہنامہ موجبنجہ ذمہ لرنده مطلوبی بولان بشر بیک لیرا اجرک مع فائض تحصیلی طلبیلہ اقامہ اولنان دعوانک شرکت مذکورہ علیہده کی قسمی آتی به تعلیق اولندقدن صکرہ عارف بک علیہده کی قسمک اجرا قلنان محاکمہ نتیجہ سندہ مدعی علیہ عارف بک وکیل طرفندن درمیان اولنان افاداتک بر قسمی مقالہنامہ فسادینی مؤدی ومدعی کمال بک حقوقہ مؤثر احوالندن اولہ میہ جنی کبی قسم دیگریدہ غیر وارد ایسده تعقیب ایدہ جکی دوت مادہنک یالکز ایکسنت انتاج ایدلیدی ثابت اولان مدعینک اجر مسایہ کسب استحقاق ایدہ میوب خد تندن دولایی اجر مثلی اخذ ایتمسی لازم کله جکنہ دائر متخذ قرار اوزرینہ طرفینک عدم اتفاقیلہ نائب محکمہ طرفندن انتخاب ایدیلن اهل وقوف معرفتیلہ مقالہنامہ واوراق دعوی و طرفیندن ایضاحات لازمه اخذ اولندقدن صکرہ تنظیم واعطا قلمش اولان راپور مندرجاتنه نظر آ ایفا ایدیلن ایکی مادہنک دیگر ماده نسبتہ درجہ اهمیتہ بناء مدعی ایچون اوج بیک یدی یوز الی لیرا اجر مثلی تقدیر ایدلیدی آکلاشلش واجر مثلی مقدارینک بی غرض اهل وقوفک بالاطراف اجرا ایدہ جکی تدقیقات نتیجہ سیلہ تعین ایتماسی ومقالہنامہده هر خصوص ایچون آری آری اجر مسمی تعین قلمنامش بولنسی حسیلہ اجر مثلی مقدارینک فضلہ بولندبغنه واجر مسمی بی تجاوز ایتدیرلدیکنہ تعلق ایدن بیانات غیر وارد بولنمش اولدیفندن مدعی کمال بک ثابت اولان خدمتی اجر مثلی اولمق اوزرہ کسب استحقاق ایدلیدی اهل وقوف راپورندن آکلاشیلان اوج بیک یدی یوز الی لیراسنک مقالہنامہده مندرج کفالت متسللہ به بناء مع فائض مدعی عامہادن محمد عارف بکدن بالتحصیل مدعی به اعطاسنه ومدعینک فضلہ ادعاسنک

ردیله مصارف محاکمه نك حصه لری نسبتنده طرفینه تحمیلنه ومدعی وکیلی ایچون یوزده
 اوچ نسبتنده تقدیر ایدیلن یوز اون ایکی بقی لیرانك مدعی علیهدن بشقه جه استفاسنه
 وشایان قبول کورولمیان اجرای موقت طلبك ردینه و دیگر مدعی علیه ارکلی شرکتی
 حقهده کی دعواسنك آتییه تعلیق ایدلمش اولسی حسیله اونك حقهده حالاً اتخاذ قراره
 محل اولمادیغه دائر استانبول محکمه اصلیه ایکنجی حقوق دائره سندن صادر اولان
 ۱ کانون اول ۹۲۶ تاریخ و ۵۳۸ نومرولی اعلامك ایضاحات شفاهیه لیرنك اخذی صورنیله
 تمیزاً تدقیقی مومی الیه محمد عارف ومتقابلاً تدقیقات تمیزیه اجرایی مومی الیه ابوالحسن
 کال بکک وکیلی طرفندن طلب و استدعا ایدلمکله یوم معینده ممیز اصل محمد عارف بک
 نامه باسند مصدق وکیلی جودت فخری ومتقابل ممیز ابوالحسن بک نامهده باسند مصدق
 وکیلی احمد جودت بکک بالورود ممیز علیه مقامه قائم متقابل ممیز ابوالحسن کال بک وکیلی
 احمد جودت بک مدت و شرائط حقهده بر دیه جکی اولمادیغنی لدی السؤال افاده ایلمکله
 لدی التدقیق تمیز استدعای نامه سنك مدت قانونیه سی طرفنده اعطا و شرائط لازمه سی ایفا
 قلندیفی آکلاشلغله حاضر بولنان طرفین وکیللرندن هربری لایحه لری مندرجاتی ایضاح
 ایتدکن صکره وکیلان مومی الیه مادن احمد جودت بک مؤکلنك اصراری اوزرینه
 لایحه جوابیده مذکور متقابل تمیز طلبنی کری آلدیغنی و بناءً علیه تدقیقات تمیزیه نك
 اولصورته اجرایی طلب ایتدیکنی بیان ایلمی اوزرینه وکیل مومی الیه احمد جودت
 بکک اولبابیده کی وکالتنامه سی بالتدقیق مؤکلنه اضافه فراغت و ابرایه مأذونیت و صلاحیتی
 بولمادیفی آکلاشلغله بو جهت کندیسه لدی التفهیم استانبوله عودتنده مؤکلندن امضایی
 کاتب عدلدن مصدق بر فراغتنامه آلب کوندره جکی افاده ایلدیکندن بالند کر مومی الیه
 ابوالحسن کال بکک متقابل تمیز طلبندن فراغت ایلدیکنه دائر مصدق بیاننامه نك ورودینه
 دکن تدقیقات تمیزیه نك تأخیرینه قرار ویریلوب مومی الیه ابوالحسن کال بکک متقابل
 تمیز طلبندن فراغت ایلدیکی کوندریلن مصدق بیاننامه مقادندن آکلاشلغله ممیز علیه
 طرفندن وقوعبولان متقابل تمیز طلبنك ردی متفقاً قرار کیر اولدقن و اولبابیده کی اورا
 دعوی و تمیزیه تدقیق و مطالعه ایدلکدن صکره ایجاب کیفیت مذا کره اولدقده :
 مومی الیه محمد عارف بکک لایحه تمیزیه سنده فائض و بیک لیرا مصارف ضرورییه
 تعلق ایدن اعتراضایدن ماعدا اعتراضاتك کافه سی محکمه محلیهده دخی سرد ایدیلهرک

اسباب موجب قانونیه بیانیه محکمه چه رد ایدلش اولسنه مبنی بو قسم اعتراضات عینی اسباب موجبیه مبنی تمیزاً دخی شایان التفات کوریهلهمدیکی کبی مضارف ضرورییه متعلق اعتراضده مقاوله نامهده اجرتدن باشقه مضارف ضروریه نك دخی وریله چکی تعهد ایدلسنه نظراً غیر وارد ایسهده تحصیلنه حکم اولنان اجر مثله فائض یورو دلمسی قانوناً حائز اولدینی حالده فائض حکم ایدلمسی مخالف قانون اولدیغندن حکم میز بهک فائضه متعلق اولان قسمك اصول محاکات حقوقیه قانوننك ۲۴ نجی ماده سی موجبیه نقضه و کیفیتك نقض واقع دائره سنده بالرؤیه اعلامه ربطی ضمنتده اورا قك محله اعاده سنده و بروجه زیر مضارف تمیزیه نك ایلروده حقسنز چیه جق طرفه عأدیتنه ۱۴ تموز ۱۹۲۷ تاریخده متفقاً قرار ویرلدی .

محکمہ تمیز برنجی حقوق دائره سنده :

قرار تاریخی : ۱۷ ایلول ۹۲۷

قرار نومروسی : ۵۱۸۹ ، ۴۰۴۸ ، ۵۱۲۲

موضوع ۱ : — نفس غفاره دائر صدور ل بر اعلام حکمی تمیز ایدلده قانون اخیر موجبیه شرائط تمیزیه جمله سندن کفالتنامه مقامنه قائم اولق اوزره تأمینات سندی ویرلمسی تمیز استدعانا مهنك ردخی ایجاب ایدر .

۲ — مدعی اقامه ایدلیکی دعوايه عأد عرضالده اجرت وکالتك دخی تحصیلي طلب ایدلیکی حالده محکمه چه فقره حکمیده بوجهه برقرار وریلهرک مسکوت عنه بر اعلمی نقضی مستلزمدر .

قالوست ولد سرکس کلنکیان افندیسك وکیلی طرفندن مؤکلنك عهدۀ تصرفده بولنان معلوم الحدود والموقع سلامت خانیله ایکی قطعه عرصه مؤکلی مومی الیه فراری عد ایدیلهرک خزینۀ مالیه چه مزایدهیه وضع ایدلش اولدیغندن مداخله نك منعی ومزایدۀ واقع نك تأخیری خصوصنك تحت حکمه آلمسی طلیله خزینۀ مشارالها وبلمزایده عهده سنه احاله قلنان مذکور خانی جیل بکك اشغالی فضولی اولدیغندن ید فضولینك رفعی حقنده مومی الیه جیل بکك علیهرینه اقامه اولنان دعوالرله مارالذ کر خان مشتملاتندن اولان اجزا ده پوسنك اشغالندن دولایی خزینۀ مالیه چه کیرا تحصیلنه تشبث ایدلمك صورتیه واقع اولان معارضه نك منعی ضمنتده مرکز اجزا تورک آنونیم شرکتنك اموال متروکه علیهنده متصدی اولدینی دعوانك بالتوحید اجرا قلنان محاکمه سی نتیجه سنده

مدعی قالوست افدینک تاریخ عزیمته نظراً اولبابده کی قانونک مومی الیه شمولی اولمامسنه مبنی مدعینک سالف الذکر اموال غیر منقوله سنه غیر قانونی اوله رق جهت مالیه جه واقع اولان مداخله نك منعه ، ومومی الیه جیل بک مالیه تأدیه ایلدینکی مبالغی علی الاصول طلب واستردادده مختار اولقی اوزره مذکور خان قیدینک مدعی نامنه تصحیحنه ، و خانک مشتملاتندن اولان اجزا ده بوسنک اشغالندن دولای مذکور شرکندن کبرا تحصیلنه تشبث صورتیه واقع اولان معارضه نك ده منعه دائر استانبول محکمہ اصلیه ایکنجی حقوق دائره سندن صادر اولان ۲۱ شباط ۱۹۲۷ تاریخی و ۸۴ نومرولی اعلامک ایضاحات شفا به اخذی صورتیه تمیزاً تدقیقی آری آری استدعایله خزینۀ مالیه ومومی الیه جیل بک وکیلاری طرفندن رأساً وقالوست افندی وکیل جانبدندن ده متقلاً طلب اولنسی اوزرینه دعوت واقعه مبنی تعیین قلنان کونده میز لردن جیل بک نامنه عمر لطفی ومیز علیهمادن متقابل میز قالوست افندی نامنه ده وکیل حاجی اولیا بک افندیلر مبرز واوراق میاننده موجود وکالتنامه لرمه مستنداً دائره کلوب دیگر میز دفتر دارلق ومیز ومیز علیهلردن شرق اجزا تجارتخانه سی دعوت قانونیه رغماً نامرینه اضافه برر وکیل قانونی کوندرمدکلرندن غایبلرنده حاضر بولنان قالوست افندی وکیل حاجی اولیا بک افندیدن مدت وشرائط تمیزیه حقننده برده چی اولوب اولمادیغی لدی السؤال وکیل مومی الیه میز لردن جیل بک تمیز استدعاسنک مدت وشرائطی حقننده برده چی یوقه ده دیگر میز دفتر دارلق طرفندن ویریلن تمیز استدعایله سننده نه مؤکلنک ونه ده کندیلرینک اقامتگاهلری ذکر وتصریح ایدله مش اولدینی کی شرائط تمیزیه جمله سندن اولان کفالتنامه مقامه قائم اولقی اوزره تأمینات سندی ویرله مش اولدیغندن نقصانی شرائطدن دولای معطی تمیز استدعاسنک ردینی طلب ایسکه بالذکر اقامه اولنان دعوی ابله صدور ایدن حکم نفس عقاره متعلق اولدینی حالده قانون اخیر موجبجه خزینۀ مالیه طرفندن اعطاسی لازم کلن شرائط تمیزیه جمله سندن کفالتنامه مقامه قائم اولقی اوزره تأمینات سندی ویرله مش اولدینی تدقیقات نتیجه سننده آکلاشلمش وبناء علیه بونقطه یه معطوف اعتراض وارد بولنش اولدیغندن نقصانی شرائطدن دولای خزینۀ مشارالیه طرفندن ویریلن تمیز استدعاسنک ردینه ومدت قانونیه سی ظرفنده اعطا وشرائط لازمه سی ایفا قلندیغی آکلاشیلان دیگر میز جیل بک تمیز استدعایله سنک

قبولیه مومی الیهک استدعاسنه حصراً تدقیقات تمیزیه اجراسنه متفقاً قرار ویرلەدکن و حاضری بولنان و کیلان مومی الیهمانک اساس حقنە لایحەلری مندرجاتنه دائر ایضاحات شفاهیەلری استماع و اولبایدەکی اوراق دعوی و تمیزیه سربا تدقیق و مطالعە ایدلەدکن سوکرە ایجاب کیفیت مذاکرە اولندوقدە : قالوست کلبنکیان افندیکن اوتوز سنە مقدم آوروپا یە کتیدیکی استانبول پولیس مدیریندن یازیلان ۲۸ اغستوس ۹۲۶ تاریخی تذکرە جوابیەده اشعار اولنمسنە نظراً اموال متروکە قانونیە بوقانونک بعض موادینی معدل ۱۴ نیسان ۳۳۹ تاریخی قانونک مومی الیه قالوست کلبنکیان افندی بە شمولی اولماسنە ومع ذلك مدعایه عقارک متروکیتە خزینە مالیەنک ۶ اغستوس ۳۴۰ تاریخندن سوکرە مطلع اولدینی آ کلاشلەسنە مبنی لایحە تمیزیهده سردایدیلن اعتراضات غیروارد اولدیغندن اعتراضات مذکورەنک ردینە سببندە اکثریتلە و ممیز علیک اجرت وکالت حقنەکی تمیزینە کلنجه : فی الحقیقە مدعی مومی الیه قالوست افندیکن جیل بک علیهنە اقامە ایدلیکی دعویا عائد عرضخالده اجرت وکالتک دخی تحصیلی طلب ایدلیکی حالده محکمەجە فقرە حکمیەده بوجەتە دائر برقرار ویرلیەرک مسکوت عنہ برافدیفی آ کلاشلدیغندن اصول محاکمە حقوقیە قانونک ایکی یوز اوتوز ایکنجی مادەسی موجبنجه اعلام ممیز بک بوجەتک اشبو سببیدن دولایی نقضنە و بروجە زیر مصارف تمیزینەنک آتیباً حقسنر چیقەجی طرفە عاندیتنە و نقض واقع دائرەسندە مقتضاسی ایفاقلنق اوزرە اوراقک محلنە اعادە سنە ۲۷ اغستوس ۹۲۷ تاریخندە متفقاً قرار ویرلدی .

محکمە تمیز برنجی حقوقی دائرەسندە :

قرار تاریخی : ۲۴ ایلول ۹۲۷

قرار نومورسی : ۸۷۱ / ۱۷۷

موضوع : شرکت نژدندە مستخدم اولان برکیمسیە کفالت ایدن ذات علیهنە اقامە ایدیلەجک دعوانک مرجع رؤیتی حقوق محکمەسی ایکن تجارت محکمەسندە رؤیت دعوی ایدلی مستلزم نقضدر .

تورک آنونیم الکتریتیق شرکتی مأمورلرندن احمد حکمت بکک تحققی ایدن سکنر یوزطقسان اوچ لیرا اوچ غروش ذمتندن مکفول بە اولان یئر یوز لیرانک بحسب الکفاله مدعی علیہ شهاب الدین افندیکن بالتحصیل مدعی سالف الذکر شرکتە اعطاسنە دائر

استانبول محكمه اصلیه اوچنچی تجارت دائرہ سندن صادر اولان ۱۵ كانون اول ۹۲۶ تاريخ ۷۱۹ عددلى اعلامك تميزاً تدقيق اصولنه توفيقاً موسى اليه شهاب الدين افندى طرفندن طلب و استدعا قلمغله بالتدقيق ايجاب كيفيت مذاكره اولندوقده: دعوى مدعى اليه مستخدمى اولان شخصك كفيلى آره سنده تحذات ايتيمسنة و مبلغ مدعا به مدعى عليهك كفالتى حسيبله كفيلىدن طلب و دعوى اولنوب اصيل حقنده مدعينك دعواسى مسبوق اولماسنة مبنى رؤيت دعوى حسب القانون محكمه اصلیه حقوق قسمة عائد ايكن تجارت محكمه سنجه بالرؤيه حكمه ربط ايدلسى مخالف قانون بولموش و بناءً عليه اعتراضات سائر نك تدقيقه حالاً محل كوريله ماموش اولديغندن اصول محاكمه حقوقه قانوننك ايكي يوز اوتوز اوچنچى ماده سى موجبنجه حكم ميز بهك سبب مذ كوردن طولاني نقضه و مقتضى قانونيسى ايضا ايدلك اوزره اورا قك محكمه اعاده سنة و بروجه زير مصارف تميزيه نك آتياً حفسر چيقه جق طرفه عائد يته ۲۶ تموز ۹۲۷ تاريخنده متفقاً قرار ويرلدى.

[مطالعه: محاكمه عليانك بونقضى بعض تردد لرى استجلا ب ايتكمده در؛ تجارت قانوننك ۳۳ نجى ماده سنده « بر عقد طرفيندن يالكز برى ايچون تجارى اولسه دى قانون تجارت احكامى تطبيق اولنور » ده به تصريح ايدلسنة و عاقديندن مكقول له الكتريك شركتى تاجر ماهيتنده بولونماسنة نظراً تجارت محكمه سنىك وظيفه دار اولديغنى قبول ايتكم ضرورى كهي كليور. فى الواقع نقض واقع مدعينك اصيل حقنده دعواسى مسبوق اولماسنة استناد ابتدير لمكده ايسده بونك، ۳۳ نجى ماده نك صراحتنه نظراً، وظيفه مسئله سنة درجه تأثيرى آ كلاشيله مامقده در. غ. ف]

محكمه تميز برنجى حقوق دائره سنده:

قرار تاريخى: ۱۱ آغستوس ۹۲۷

قرار نومروسى: ۳۳۹۸ / ۳۷۷۳

مهمه: اصيل اليه برلكده كفيلى عليهنده بحسب الكفاله اقامه اولنان دعوا ده كفيلىك افلاس ايتديكى ادعا ايتتى طولاي سبله كيفيت افلاسك و قوت قوردا تو عقد ايدوب ايتديكنك تدقيق اولنامسى مستلزم نقض در.

قاضى كوينده بازار يولنده ۱۱۰ نومرولى دكانده سا كن مانيفاطوره جى آصادور غروديان افدينك ينه قاضى كوينده اسكى اسكله جاده سنده اشك به جى سواقنده كاخن فرونده طبله كار و قاضى كوينده مصرلى اوغلنده خبرى بك سواقنده كوشه باشنده

ترزی ماد موازل اییانیانک خاه سنده مقیم اکمکچی کیرقور علکسان افندی ایله کفیلی استانبولده یکی جامع جوارنده مصر چارشوسی قابوسنده خردوات تجاری مارغوس علکسانیان افندی علیه بدل ایجاردن غیراز استیفا آله جفی اولان آلتیوز اون لیرانک حسب الاصله والکفاله تحصیلی حقهده استانبول محکمه اصلیه سی ایکنجی حقوق دأر سندن استحصال ایلدیکی ۲۸ شباط ۹۲۷ تاریخلی و ۸۰ عددلی اعلامک تمیزاً تدقیق مومی ایله مارغوس علکسانیان افندی طرفندن اصولی دأر سنده استدعا و طلب اولمغله مذکور اعلام اوراق حکمیه و تمیزیه ایله معاً بالمطالعه ایجاب کیفیت مذاکره اولندقدنه : مستدعی تمیز مارغوس علکسانیان افندی افلاسنه حکم اولندیغنی اثنای محاکمهده بیان واقعه و بوباده برده اعلان افلاسنی متضمن غزیه ابراز ایتش اولسنه نظراً محکمهجه مرقومک فی الحقیقه افلاسنه حکم ایدیلوب ایدلدیکنک و افلاسنه حکم اولنش ایسه قونقورداتو عقد اولنوب اولنمادیغنیک تدقیق ایدلمه رک تبین ایده جک حاله کوره اتخاذ قرار اولنسی لازم کلیر کن بوجهتک کلیاً مسکوت عنه براقیله رق بروجهمحرر حکم اعطاسی مخالف قانون اولدیغندن اصول محاکمه حقوقیه قانونسک ۲۳۲ نجی ماده سی موجبجه حکم میز بهک سبب مذکور دن دولای تقضه و کیفیتک نقض واقع دأر سنده مقتضاسی ایفا ایدلمک اوزره اوراقل محله اعاده سنه و بروجه زیر مصارف تمیزیه نک ایلروده حقسنر چیقه جق طرفه عأدینه ۷ تموز ۹۲۷ تاریخنده متفقاً قرار ویرلدی .

محکمہ تمیز برنجی حقوق دأر سنده :

قرار تاریخی : ۱۱ آغسنوس ۹۲۷

قرار نوسروسی : $\frac{5275}{1681}$

مهمه : محامات قانوننده یوزده حسابیه اجرت وکالتک تمهد ایدلمه سی حقنده کی ممنوعیت حکمی انتظام عامه دن اولمایوب مابقبله شامل اوله مایه جفی جهته اولقانوندن اولکی عقوده تشمیلی مغایر قانون اوله جفندن تقضی مستلزمدر .

غلطهده مانوقیان خاننده ۶ نومرولی یازیخانهده مقیم آووقات مصطفی رضا بکک قدرغهده شهسوار بک محله سنک جنبدی میدانی سواقاغنده ۲۹ نومرولی خانهده مقیمه رخشان خانم ذمتنده با سند مصدق اجرت وکالتدن یوزده اون بش حسابیه مطلوبی

بولان در تيزوز اللى ليرانك تحصيلي حقتده اقامه ايدليكي دعوانك اجرا قلنان محكمه نى
تيجيه سنده محامات قانونك ماده مخصوصه سنده يوزده اعتباريله اجرت وكالت تعهدى
منع ايدلمش اولسنه وبومنوعيت ماهيت مسئله اعتباريله عامه نك حقوق ايله علاقه دار
وانتظام عاميه متعلق بولمنسه وبالتيجيه دعوانك رؤيت واستماعنه مانع قانونى بولمنسه
بناءً دعواى مقامه نك ردينه متدائر استانبول محكمه اصليه سى دردنجى حقوق دائره سندن
غياباً صادر اولان ۱۴ نيسان ۹۲۷ تاريخ و ۱۳۱ نومرولى اعلامك تميزاً تدقيقى اصوله
توفيقاً موسى اليه مصطفى رضا بك طرفندن طلب واستدعا قلمغله سالف الذكر اعلام
اوراق حكميه وتميزيه ايله معاً بالتدقيق ايجابى مذاكره اولندقدده : مدعا به اجرت
وكالتك آووقاتلر قانونك تاريخ مرعيتدن مقدم مقاوله وتعيين ايدليكيكى مدعينك ادعا
ايتمنه وقانون مذكوره اشبو قانونك مرعيتدن مقدم يوزده حسابيله اجرت وكالت
تعهدينك دخى حكمسز اولديغنه دائر صراحت بولنامسنه وخصوص ماده نك انتظام عاميه ده
تعلق بولنامسنه مبنى دعواى واقعه نك استماعيله تعين ايدجك حاليه كوره حكم اعطاسى
لازم كيركن ردينه قرار ويرلسى مخالف قانون اولديغندن اصول محكمه حقوقيه قانونك
۲۳۲ نجى ماده سى موجبجه حكم تميزيه نك نقضه ومقتضاي قانونيسى ايفا قلمق اوزره
اوراقك محله اعاده سنده وبروجه زير مصارف تميزيه نك آتياً حفسز چيقه جق طرفه
عائديته ۱۱ آغستوس ۹۲۷ تاريخنده متفقاً قرار ويرلدى .

Bibliographie

کتابلر

فرانسوزجده نورجيه

اصطلاحات حقوقيه وسياسيه لغتى

استانبول الكتريق شركتى امور حقوقيه

مدير معاونى محمد اكرم بك طرفندن :

حقوق مسائليله مشغول اولانلرك وحقوقى تبعات حقتده يازى يازمقله اوغراشانلرك
اك بويوك مشكللى اصطلاحلرك مقابللرينى بولقدرد . مجموعه من بومشكللى چوق يقينندن حس